



Cussegl da vischnaunca  
37-2017/2020

# Project da canalisaziun Raveras

## Damonda da credit

### M E S S A D I

dalla suprastonza communal a cussegl da vischnaunca

Preziau signur president  
Preziadas signuras cusseglieras  
Preziai signurs cussegliers

Il concept general pigl allontanament e la purificaziun dallas auas (GEP) preveda sper la separaziun dallas auas piarsas era la sanaziun dalla scargada dalla canalisaziun a Raveras ed in'adattaziun dil caliber dalla canalisaziun naven dalla cruschada sin l'altezia dalla parcella 850 entochen alla serenera. La separaziun dallas auas ei in project che crescha el decuors dils onns. Per motivs finanzials sa quei project vegnir realisaus mo en cumbinaziun cun auters projects d'avertura e providiment ni en connex cun la sanaziun da vias. Sigl areal naven dalla casa communal incl. areal dalla staziun e la Via Sogn Gions entochen e cun la parcella 842 ei la separaziun dallas auas realisada.



cumprovau ch'ei fa senn da colligiar la serenera Raveras cul scaldament lontan. Per la serenera settracta ei da cumpensar la calira ch'ella vegn buca da producir cun agens mieds.

Il medem mument sto la Repower AG remplazzar ses tumbins che caschunan regularmein donns vid la Via Raveras.

*Ils cuosts sepresentan sco suonda:*

Lavurs d'impressari	frs. 325'000.--
Cuosts accessoris, taxas	frs. 1'000.--
Mesiraziun e terminaziun	<u>frs. 4'000.--</u>
	frs. 330'000.--
Project e survigilonza	<u>frs. 32'000.--</u>
	frs. 362'000.--
Nunpreviu e rundau	<u>frs. 36'000.--</u>
<b>Total canalisaziun</b>	<b>frs. 398'000.--</b>

Il preventiv 2019 preveda era ina summa per sanar la cuvrada dalla Via Raveras. Quella via ei vegnida realisada ils onns 2000/2001 senza cuvrada fina. Per saver mantener la qualitat dalla via eis ei indispensabel da realisar proximamein la cuvrada fina. La summa preveda per quella sanaziun vegn spustada per in onn. A vosta da quella situaziun fa ei senn da realisar las lavurs vid la canalisaziun el decuors digl onn 2019.

### 3. Finanziaziun

Bein ei il concept a Raveras vegnius preparaus el rom dil GEP. Perquei ch'ei settracta tier quei project da canalisaziun d'in project che sesanfla cumpleinamein ella zona da baghegiar, ha il cantun buca saviu risguardar quel per contribuziuns cantunalas. Consequentamein sto la vischnaunca financiar quell'investiziun cumpleinamein cun mieds ord la finanziaziun speciala.

### 4. Ponderaziuns finalas

L'infrastructura ei buca destinada per la perpetnada. Il svilup economic da nossa societad augmenta buca mo il standard da viver. Las pretensiuns da nossa societad laian buca adina cumbinar cul patratg individual dil singul che pretenda per sesez tuts dretgs. Quei svilup che simplifichescha la veta da scadin caschuna novas grevezias e pretensiuns enviers igl ambient. Buca mo l'aura, igl ei era la cumposiziun dall'aria ed en special dall'aura tshuffa che cuntegn sper ils excrements da nies tgierp contaminai, tut quei che nus consumein en fuorma da medicaments ed autras materias che duein dar a nus humans forza, sanadad e bellezia en fuorma da microorganismes ch'influenzeschan la circulaziun digl univers e dalla natira e pretenda novas mesiras. Mesiras da segirtad per la veta humana e novas mesiras per eliminar quei che nus tarmettein di per di ora el spazi ed igl ambient cumbinadas cun novs cuosts ein la consequenza. Biars ein bein cunscients da quei svilup, denton lai la cumadeivladad buca tier da midar enzatgei.

L'infrastructura communal d'ina vischnaunca turistica e muntagnarda selai buca cumparegliar cun autras vischnauncas ella Bassa. En cumparegliaziun cun ils ca. 37'200 habitonts dil marcau da Cuera che occupeschan ina surfatscha da 28.09 km<sup>2</sup> stattan ils ca. 2'200 habitonts da nossa vischnaunca cun ina surfatscha da 90.98 km<sup>2</sup>. Nossa infrastructura vegn a restar ina sfida che nus astgein buca piarder ord ils eglis. E las pretensiuns dil temps mo er il dent dil temps vegnan a prender pauc risguard sin nossa situaziun economica. Lein nus tener pass cul svilup, eis ei necessari da tener en funcziun l'infrastructura e da far il pass cun stender la comba.

Ord vesta dalla suprastonza communal e eis ei necessari da cumbinar las investiziuns cun auters purtaders per nezegiar ton sil sectur finanziel sco era ord vesta tecnica las resursas avon maun aschi bein sco pusseivel. Per quei ha ei fatg senn da spitgar cul project a Raveras entochen ussa, denton fa ei senn da realisar quei project gest quei mument e buca pli tard.

## 5. Proposta

Risguardond sura consideraziuns

### propo na

la suprastonza communal al cussegl da vischnaunca da:

- conceder in credit net da frs. 398'000.-- per realisar il project da canalisaziun a Raveras.
- suttametter quei conclus el senn d'art. 21, lit. c dalla costituziun communal al referendum facultativ.

Suprastonza communal Disentis/Mustér  
Il president: Il canzlist:



Robert Cajacob



Andri Hendry

Disentis/Mustér, ils 19 d'uost 2019